

Ս. ԳՐԻԳՈՐ ԼՈՒՍԱՎՈՐԻՉ ՄԱՅՐ ԵԿԵԼԵՑՈՒՄ ԿԱՏԱՐՎԵՅ ԳՈՏԱԲԱՆԱԿԱՆ ԱՂՈԹՔ

Դեկտեմբերի 9-ին Երևանի Ս. Գրիգոր Լուսավորիչ Մայր եկեղեցում, Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի բարձր հանդիսապետությամբ, կատարվեց գոհաբանական աղոթք՝ մասնակցությամբ Մայր Աթոռ Ս. Էջմիածնի միաբան հայրերի: Արարողությանը ներկա էին Երևանի Ս. Գրիգոր Լուսավորիչ Մայր եկեղեցու բարերարները Կիարժ Լորայր Տեր-Փետրյանը և Սարո խոտավերդյանը:

Արարողության ավարտից հետո Վեհափառ Հայրապետն իր օրհնության խոսքն ուղղեց ազգային բարերարներին հավատարմոր ժողովրդի անունից՝ ի մասնավորի նշելով, «Վերջսփին ձեր սիրո, գնահատանքի թարգմանը ուզում եմ դառնալ և ձեր սրբի երախտագիտության անկեղծ զգացումները փոխանցել մեր բարերարներին՝ աղոթքով հանդերձ իրենց կյանքի արևաշարության և իրենց գործոց հաջողության համար: Թող Աստված առաջնորդի նրանց դեպի Բարին, գեղեցիկը, դեպի ազնիվ և ճշմարիտ, որպեսզի այս արժեքներով ծաղկի կյանքը իրենց ընտանեկան, գործնական կյանքը մեր հայրենական և պայծառասնա եկեղեցին Հայաստանյայց»:

Արարողությունից հետո եկեղեցական թափոնն ուղղվեց դեպի Ս. Աշխեն թագուհու մատուռ՝ կառուցված տեր և տիկին Տեր-Փետրյանների բարերարությամբ: Մատուռում կատարվեց հոգեհանգստյան կարգ՝ ազգային բարերարների ընտանիքների ննջեցյալների հոգիների հանգստության համար:

**ՄԱՅՐ ԱԹՈՒ Ս. ԷԶՄԻԱԾՆԻ
ՏԵԼԵԿԱՏՎԱԿԱՆ ՀԱՄԱԿԱՐԳ**

